



स्वयान कौके
पहुरा थारु दैनिकके अनलाइन न्यूज
ओ ओकरभिटर डारल इ-पेपरमे
देशविदेशसे हमार अनलाइन न्यूज
ओ पत्रिका पहे सेक्वी ।

थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा



PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाओ,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २४ अंक ६४ वि.सं. २०८३ कुँवार ३ गते शनिच्चर

थारु सम्वत (२६४९)

[Saturday 19 September 2026]

(मोल रु. ५ ।- पेज ४)

एक फोनके प्रतीक्षा

तीन अँठ्वारसे विश्वराज ओ रोयलके डगरा हेरटी परिवार

बाल संरक्षणके सवाल सम्बन्धी अन्तरक्रिया

पहुरा समाचारवाता

धनगढी, २ कुँवार । केको लाग तीन अँठ्वार सामान्य दिनजस्टे लागे सेकी । मने, आपन मनैनके खबर नैपाइल परिवारके लाग तीन अँठ्वार फेन वर्षाजस्टे लागट । कैलालीके कैलारी गाउँपालिका-३ के ३४ वर्षीय विश्वराज चौधरी ओ वडा नम्बर ६ के २२ वर्षीय रोयल चौधरीके परिवार अब्बे अस्टे पीडा भोगटी रहल बटे ।

भदौ १० गते रसुवाके भोटेकोशीमे आइल बारहपाछे डुनु जाने परिवारके सम्पर्कमे नैहुइ । विश्वराजके दुई नाबालक छावा बटे । घरमे गोसिनीया ओ वृद्ध डाइ बटिन् । परिवारके आर्थिक अवस्था कमजोर हुइल ओरसे उहाँ कामके खोजीमे



कबु भारत टे कबु धनगढी पुगना करिट । इ बेर फेन परिवारके खर्च जुटैना उद्देश्यसे संघरियनसँग रसुवाके माइलुड क्षेत्रमे क्रसरमे काम करे पुगल रहिट । मने, घरसे निकरल कुछ दिनमे आइल बारहसे ओहकान जीवनके खबर नै

परिवारसे खोस डेहल । छावान लाग बाबा कहाँ बटे कना जवाफ नैहो । गोसिनयक लाग गोसिया कब अइही कना टुंगो नैहो । डाइक लाग छावाके आवाज सुन्ना प्रतीक्षा आभिन ओराइल नैहो ।

उहाँर कैलारी-६ के रोयल चौधरीके

परिवारके अवस्था फेन ओस्टहे रहल बा । २२ वर्षीय रोयल अविवाहित रहिट । बाबा, डाइ ओ एक बहिनीयाके जिम्मेवारी बोकेके उहाँ कामके खोजीमे रसुवा पुगल रहिट । धनगढीमे शैलुन चलैना प्रयास करल रोयल आम्दानी मजा नैहुइलपाछे संघरियनके साथमे रसुवाके माइलुडमे क्रसरमे काम करे जैना निर्णय करल रहिट ।

भदौ ९ गते उहाँ आपन डाइसे अन्तिमचो बात करल रहिट । ओकरपाछे फोन नैआइल हो । पहिले नियमित रूपमे घरमे फोन कैना छावा अचानक सम्पर्कविहीन हुइलपाछे डाइ राजकुमारी चौधरीके दिन छावाके खबरके असा लागके बितल बा । फोन बजेबर आशा जागट । अपरिचित नम्बर डेखलेसे (बोकी २ पेजमे)



पहुरा समाचारवाता

धनगढी, २ कुँवार । बाल संरक्षणके सवाल सम्बन्धी सरोकारवाला निकायसे अन्तरक्रिया कार्यक्रम कैगल बा ।

सिविन नेपाल ओ यार्ड के संयुक्त आयोजनामे शुक्रके रोज सरोकारवाला निकायसे अन्तरक्रिया कार्यक्रम कैगल हो । सिविन नेपालके कार्यसमिति सदस्य तपेन्द्र भुषालके अध्यक्षतामे हुइल कार्यक्रममे जिल्ला प्रशासन कार्यालय कैलालीके प्रमुख

जिल्ला अधिकारी हिरालाल रेग्मी प्रमुख अतिथि रहल रहिट ।

कार्यक्रममे उहाँ अडबेक बालबालिका स्मार्ट रहल मने पहिलेक बालबालिका जस्टे मेहनत कम करल बटैल । बालबालिका संरक्षण तथा हकअधिकारके लाग टमान कानून बनल ओरसे कोई बालबालिका अपनेहुके पाई अधिकारसे बञ्चित हुई नैपना बटैल ।

धनगढी उपमहानगरपालिका वडा नम्बर १२ के (बोकी ३ पेजमे)

जलवायु न्यायके लाग जन अभियान



पहुरा समाचारवाता

धनगढी, २ कुँवार । जलवायु न्यायके लाग धनगढीमे जन अभियान सुरु हुइल बा । याक नेपाल, रेसिष्ट रिक्लाइम राइज अप, डब्लुवाइसिजे सुदूरपश्चिम प्रदेश, बोलन्य थली, डब्लुएचआर लागायत टमान संघ संस्थाके संयुक्त आयोजनामे जलवायु न्यायके लाग जन अभियान सुरु हुइल हो । उ अभियान अन्तर्गत धनगढीमे शुक्रके रोज हुइल कोणसभामे नेपाल कार्वन उत्सर्जन कबसे कम करल मने सबसे ढेर जलवायु परिवर्तनके असर यहाँ डेखल वक्ताहुके बटैले रहिट । जेनजी समूहके गौरव खडका अपने रसुवा बाढ प्रभावित ठाउँमे गैल अनुभव सुनेटी उहाँ मानसिक भय पैदा हुइल बटैले । बाढ प्रभावितके लाग जिन्सी राहत प्राप्त मात्रमे उठल कहटी राहात लेहुइया मने नैरहल खडका बटैले । याक नेपालके अध्यक्ष हृदय पुजारा नेपाल जलवायु न्याय पाइपना बटैले । उहाँ कहलै, छिमेकी राष्ट्रमे विकासके नाउँमे जलवायु प्रदूशनके कारण ओकर असर नेपालहे परल बा । जिहीसे यहाँ समय समयमे बाढी जन्य प्रकोप डेखल बा । भर्खर रसुवाहे आइल बाढसे अकल्पनीय क्षति पुगाइल । गैर सरकारी संस्था महासंघके उपाध्यक्ष विनोद कडारा नेपाल शून्य प्रतिशत कार्वन उत्सर्जन करल मने क्षति भर सबसे ढेर भोगे परल बटैले । उहाँ ढेर कार्वन उत्सर्जन करुइयासे क्षति वेहोरेपना बटैले । किसान महासंघके प्रकाश थापा बाढ, पहिरो, डुबान, कटानसे सबसे ढेर मार किसान परल बटैले । जलवायु परिवर्तनके सबसे ढेर असर कृषि क्षेत्रमे परल उहाँ बटैले ।

कार्यक्रम पदम बहादुर साउदके अध्यक्षतामे हुइल रहे । उहाँ जलवायु न्यायके लाग अन्तर्राष्ट्रिय समुदायहे जवाफदेही बनेना युवा तथा नागरिक समाजके दबावमूलक परिचालन कैना उद्देश्यसे कोण सभाके आयोजना करल बटैले ।

जलवायु परिवर्तन आज केवल वातावरणीय समस्या केल्ह नैहूके मानव जीवन, जीविकोपार्जन, अर्थतन्त्र खाद्य सुरक्षा, स्वास्थ्य, पूर्वाधार ओ सामाजिक न्यायसँग प्रत्यक्ष जोरल विश्वव्यापी संकट बनल उहाँ बटैले । जलवायु संकटके प्रभाव सक्कुहने समान नैहो । जलवायु परिवर्तनमे न्यून योगदान करल तथा स्रोत ओ क्षमताके दृष्टिसे कमजोर समुदायसे यकर गम्भीर प्रभाव ढेर भोगटी रहल बटैले । संयुक्त राष्ट्रसंघके महासचिवसेफे जलवायु प्रभाव सबसे ढेर भोगटी रहल देश तथा समुदायसे वित्तीय अवरोधसमेत सबसे ढेर सामना करटी रहल उल्लेख करले बटै ।

जलवायु न्याय, पर्याप्त तथा पहुँचयोग्य जलवायु वित्त, उत्सर्जन न्यूनीकरण तथा अन्तर्राष्ट्रिय जवाफदेहिताके माग करटी धनगढीमे युवा, बालबालिका, महिला, लैंगिक तथा यौनिक विविधता रहल व्यक्ति, अपाङ्गता हुइल व्यक्ति, नागरिक समाज तथा टमान सामाजिक क्षेत्रके प्रतिनिधिहुकनके सहभागितामे दबावमूलक परिचालन, नाराबाजी, पोस्टर प्रदर्शन, कोणसभा तथा छलफल कार्यक्रम सम्पन्न करल बा ।

हमे स्पष्ट रूपमे कहे चाहटी जलवायु संकटके समाधान घोषणासे नाही, कार्यान्वयनसे हुई । जन अभियान कौनो एक देश वा कौना एक संस्थाविरुद्धके अभियान नैहो की जलवायु न्यायके लाग

अन्तर्राष्ट्रिय जवाफदेहिता, सहयोग ओ कार्यान्वयनके माग हो ।

जन अभियानसे टमान मागसे ढरले बा । जलवायु वित्त पर्याप्त, पहुँचयोग्य, पारदर्शी ओ पूर्वानुमानयोग्य बनाईपना कहल बा । वित्तीय स्रोत वास्तविक रूपमे जलवायु संकटसे प्रभावित समुदायसम हाली ओ सहज रूपमे पुगन व्यवस्था करेपर्ना माग करल बा ।

जलवायु वित्तहे ऋणके थप बोझ बनेनासेफे आवश्यकता ओ न्यायके आधारमे ग्रायण्ड वेस सपोटहे प्राथमिकता डेहे पर्ना माग करल बा । उच्च उत्सर्जन कैना तथा ढेर स्रोत रहल देशसे उत्सर्जन न्यूनीकरणमे अपन (बोकी ४ पेजमे)

संविधान दिवस भव्यरूपमा मनाऔं

- ❖ संविधान देशको मुल कानून हो,
- ❖ नेपालको संविधानको मूल्य, मान्यता र सिद्धान्तको सबैले सम्मान र पालना गरौं,
- ❖ नेपालको संविधान जारी भएको दिन असोज ३ गते राष्ट्रिय उत्सवका रूपमा मनाऔं,
- ❖ संविधानप्रदत्त मौलिक हक र अधिकारसँगै कर्तव्य पनि जिम्मेवारीपूर्वक पूरा गरौं,
- ❖ संविधानले सुनिश्चित गरेका समानता, स्वतन्त्रता, सामाजिक न्याय र समावेशिताको सम्मान गरौं,
- ❖ विधिको शासन, लोकतन्त्र, गणतन्त्र र संघीयताको सुदृढीकरणमा योगदान गरौं ।

संविधानको प्रभावकारी कार्यान्वयनमार्फत सुशासन र समृद्धिको आधार बलियो बनाऔं ।



नेपाल सरकार
विज्ञापन बोर्ड

सुदूरपश्चिम प्रदेशको अत्याधुनिक सुविधा सम्पन्न



निसर्ग हस्पिटल
एण्ड रिसर्च सेन्टर प्रा.लि.
Advanced Healthcare for all.

विशेषज्ञ डाक्टर तथा ओ.पि.डी सेवाहरु

- | | | | |
|---|---|--|--|
| जनरल फिजिसियन
(पेट, छाती, मुटु) रोग विशेषज्ञ | रेडियोलोजी विशेषज्ञ | न्युरो, मास्कुलर, नशा
तथा मेडिकल रोग विशेषज्ञ | हाडजोर्नी तथा स्पोर्ट्स
फिजियोथेरापिस्ट |
| हाडजोर्नी तथा
नशारोग विशेषज्ञ | जनरल तथा
ल्याप्रोस्कोपिक सर्जन | स्त्री तथा प्रसुति
रोग विशेषज्ञ | नवजात शिशु तथा
बालरोग विशेषज्ञ |
| नाक, कान, घाँटी तथा
थाइरोइड रोग विशेषज्ञ | एनेस्थेसिया तथा
क्रिटिकल केयर विशेषज्ञ | मुख, अनुहार तथा
बडुगार विशेषज्ञ | मानसिक तथा
नशा रोग विशेषज्ञ |
| छाला, यौन, कुष्ठरोग
तथा सौन्दर्य विशेषज्ञ | मुगौला तथा मुत्ररोग
विशेषज्ञ | मुटु रोग विशेषज्ञ | |

Hasanpur, Dhangadhi-5, Kailali, Nepal

091-527000/01/02, 9865680100, 9804600745

www.nisarghospitalnepal.com / nisarghospitalnepal

स्माईल चौधरीसे प्रकाशित

सठपाढक : प्रेम चौधरी (९८४८४२२२०७)

कार्यकारी सठपाढक : राम दहित (९८४८४९४५१८)

भाषा सल्लाहकार : दिलबहादुर चौधरी

पहुढा सठपाढक : कृष्णराज सर्वहारी

व्यवस्थापन सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

पहलमानपुर शाखा: जीवन चौधरी (९८४४०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समैजी अफसेट प्रेस, वेहडी, धनगढी

तीन अँठ्वारसे...

फेन मनसे छावाके खबर आइल जन्ठै । मने, हरेकचो उ आशा अदुरे रहट् ।

यहोर डुनु परिवारके अवस्था पटा पाइलपाछे कैलारी-२ के १० जाने भलमन्सा सहयोग जुटैना अभियान लगलै । घर-घर पुगके स्वेच्छिक रूपमे रकम संकलन करलै । १० ठो गाउँसे १ लाख ७९ हजार १ सय ६६ रुपैयाँ जम्मा हुइल । उ मध्ये विश्वराज ओ रोयलका परिवारहे जनही ५० हजार ५५ रुपैयाँ प्रदान करल भलमन्सा संयोजक धसनराम चौधरी बटैलै ।

बाँकी ७९ हजार ५६ रुपैयाँ प्रधानमन्त्री राहत कोषमे जम्मा करल वडा नम्बर २ के अध्यक्ष विकास चौधरी जानकारी डेलै । ओहकान अनुसार डुनु परिवारहे टमान क्षेत्रसे सहयोग जुटैना क्रम जारी रहल बा । आगामी दिनमे गाउँपालिका ओ अन्य निकायसे थप सहयोगके लाग फेन पहल करजैना बा ।

संधियारको नाममा जारी १५ दिने सूचना

यस उपमहानगरपालिकाको वडा नम्बर ३ चटकपुर स्थित किता नं. ७१४ क्षेत्रफल १६९.३२ वर्गमिटरमा भवन निर्माण गर्ने घरधनी श्री कुमारी पार्वती ऐरले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: नन्दा विष्ट भण्डारी

पश्चिम: सडक

उत्तर: सडक

दक्षिण: सरस्वती सिंह

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर ७ मनेहरा स्थित किता नं. ११५ क्षेत्रफल ३३४.५ वर्गमिटरमा भवन निर्माण गर्ने घरधनी श्री लिलाकुमारी रानाले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: भैली राना

पश्चिम: रामदश राना

उत्तर: ऐलानी पती जग्गा

दक्षिण: सडक

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर १३ गेटा स्थित किता नं. ५९५, ५६७, ५८२, १३८, २१ क्षेत्रफल ३९७५३.६४ वर्गमिटरमा भवन निर्माण गर्ने घरधनी श्री म्याङ्गो फार्म रेस्टोर् एंड रिसोर्ट प्रालिले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: कि.नं. २८८, २०

पश्चिम: कि.नं. १८३, ५८२, ५९४

उत्तर: कि.नं. २१, १३८, ५८२, ५६७, २०

दक्षिण: कि.नं. ५८२, ५६७, ५७६, १३८

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

महासभामे जलवायु न्याय

संयुक्त राष्ट्रसंघ विश्ववासीके आवाज गुन्जल ओ सुन्ना सबसे भारी विश्व संस्था हो । पहिल ओ दोसर विश्वयुद्धसे तहसनहस हुइल विश्वहे पुनर्जीवन डेना स्थापना हुइल यी संस्थाप्रति विश्ववासीके भारी अपेक्षा बा । यी संस्थामे आबद्ध १९३ सदस्य राष्ट्रके प्रतिनिधित्व हुइना महासभामे हुइना सम्बोधन, छलफल ओ बहसके विशिष्ट महत्व बा । अब्बे ८१ औँ महासभा यकर मुख्यालय अमेरिकाके न्यूयॉर्कमे जारी बा । यी चो महासभाके अध्यक्षता बंगलादेशी कृतीतिज्ञ खलिलुर रहमान करले बटै । ‘विश्वासके पुनर्बहाली, रूपान्तरणके व्यवस्थापन : सबके लाग परिणाममुखी संयुक्त राष्ट्रसंघ’ नाराके साथ मंगरसे महासभा सुरु हुइल हो । विश्वयुद्धके खरानीसे मानवताहे जोगैना, पुनः विश्वयुद्ध हुइ नैडेना ओ शान्ति स्थापना करना यकर मुख्य उद्देश्य हो । सन् १९४५ मे स्थापित यी वैश्विक संस्था आज अपन इतिहासके जटिल ओ चुनौतीपूर्ण कालखण्डमे बा । भूराजनीतिक धुवीकरण, जलवायु परिवर्तनसे नानल महासंकटके भयावह रूप, गरिबी ओ प्रविधिके अनियन्त्रित विस्तारसे खडा करल चुनौती महासभाके लाग चोटिला विषय बनल बा । महासभा केवल औपचारिक भाषणबाजीमे किल सीमित हुइ नैपरठ । महासभासे ठोस कार्ययोजना, दरिलो राजनीतिक इच्छाशक्ति ओ बहुपक्षीयताप्रतिके इमानदार प्रतिबद्धता प्रदर्शन करेपरना बेला आइल बा । आब महासभा परम्परागत ढाँचासे फरक ओ परिणाममुखी हुइ परठ ।

महासचिवके मार्मिक सम्बोधन

राष्ट्रसंघके महासचिव एन्टोनियो गुटेर्रेस महासभाके उद्घाटन सत्रमे चोटिलो ओ मार्मिक सम्बोधन करलै । उहाँ कहल जस्टे आज विश्वव्यापी रूपमे बहुपक्षीय संस्थाप्रतिके जनविश्वास एकडम कमजोर हुइल बा । शक्तिशाली राष्ट्रसे अन्तर्राष्ट्रिय कानुन ओ मानव अधिकारके मूल्यहे अपन अनुकूलतामे प्रयोग कैके छोट ओ विकासोन्मुख राष्ट्रसे असुरक्षित महसुस करटि बा । टबेभारे यी महासभासे संसारभरके आठ अर्ब मनैहरे राष्ट्रसंघ उहाँहुनके सुखदुःखके साथी हो कना विश्वास डेहे सके पर । महासभाके सुन्दरता कलेक यहाँ सब १९३ सदस्य राष्ट्रके मतके मूल्य समान रहठ । यी महासभा केवल शक्तिशाली मुलुकके भूराजनीतिक प्रभाव प्रदर्शन करना क्रीडास्थल हुइ नैपरठ । यिहिनसे नेपाल जैसिन अल्पविकसित, भूपरिवेष्ठित तथा जलवायु परिवर्तनके उच्च जोखिममे रहल मुलुकके आवाजहे प्राथमिकतासाथ सुन्ना ओ सम्बोधन करे परठ । महासभाके अध्यक्ष रहमान कले बटै, “यी सन् १९४५ नाइकि, यी ८१ औँ महासभा हो । विश्व धेर आगे बहसेकल, टबेभारे राष्ट्रसंघ फेन आगे बहे परल ।

महासभा २१ औँ शताब्दीके चुनौती जस्टे : कृत्रिम बुद्धिमत्ता (एआई), साइबर सुरक्षा ओ महामारीहे सम्बोधन करे सेक्ना मेरिक राष्ट्रसंघीय संरचनाहे समयानुकूल बनैना मार्गचित्र कोरे परठ ।”

परमाणु हतियारके चुनौती

आज परमाणु हतियारके होडबाजीसे समग्र विश्वके अस्तित्व संकटमे परल बा । यम्ने भूराजनीतिक द्वन्द्व ओ शान्तिसुरक्षाके कमजोर अवस्थासे गम्भीर प्रश्न उठाइल बा । विगत साढे चार वर्षसे रूस ओ यूक्रेन युद्ध करटि बा । पश्चिम एसिया चरम संकटमे बा । छ महिनासे जारी अमेरिका ओ इरानबिचके युद्ध रोकल नैहो । इजरायल-प्यालेस्टाइन/लेबनानके भीषण तनाव ऋओ अफ्रिकी मुलुकमे चलल बेला आन्तरिक द्वन्द्वसे विश्वशान्तिहे गम्भीर चुनौती डेले बा ।

जलवायु कूटनीतिसे विदेश नीति ओ कूटनीतिके समग्र प्राथमिकता तथा कार्यसूचीमे वातावरणीय ओ जलवायुसम्बन्धी विषयहे समावेश करना कार्यहे जनाइठ । जलवायु कूटनीति अन्तर्गत सरकार जलवायु परिवर्तनके मुद्दा तथा ओकर मजासे मुलुकमे पारे सेक्ना ओ परना प्रभावहे स्पष्ट रूपमे प्राथमिकतामे ढरे परल । ओहे अनुरूप द्विपक्षीय तथा बहुपक्षीय कूटनीतिक मञ्चमे प्रस्तुत हुइ परठ । कौनो खास देशहे दोष डेनाके सट्टा, हम्रे राष्ट्रसंघके मञ्चसे विश्व समुदायहे प्रभावकारी रूपमे आह्वान करे परठ ओ द्विपक्षीय कूटनीतिक वार्तामार्फत अन्य देशहे पुनर्स्थापना, पुनर्निर्माण तथा जलवायु अनुकूलन ओ न्यूनीकरणके कार्यमे योगदान पुगैना सहमत कराइ सके परठ । स्रोतसाधनके सीमितता रहल मने जलवायु परिवर्तनके उच्च जोखिममे रहल मुलुकहे आर्थिक सहयोग उपलब्ध करैना राष्ट्रसंघसँग हरित जलवायु कोष, अनुकूलन कोष ओ हानि तथा क्षति कोष जैसिन संयन्त्र तथा कोष उपलब्ध बा । यी संयन्त्रसे आर्थिक सहयोग प्राप्त करेक लाग निश्चित प्रक्रिया बा, ओकर लाग बहुपक्षीय कूटनीतिहे और ढेर सक्रिय, प्रभावकारी ओ सक्षम बनाइपरना रहठ ।

महासभासे ‘बन्दुकके आवाजहे मधुर बनैना ओ संवादके आवाजहे बुलन्द करना’ नीतिहे व्यवहारमे उटारे परठ । शक्तिराष्ट्रसे अपन राजनीतिक स्वार्थ त्यागके राष्ट्रसंघके बडापत्रप्रति इमानदार बने परठ । राष्ट्रसंघीय सुरक्षा परिषदके संरचनामे तत्काल सुधार कैके विकासोन्मुख ओ छोट राष्ट्रके प्रतिनिधित्व बहाइ परल । युद्धग्रस्त क्षेत्रमे तत्काल युद्धविराम ओ मानवीय सहायताके निर्बाध पहुँच सुनिश्चित करना महासभासे विशेष महासंघीय संकल्प प्रस्ताव पारित करे परठ ।

जलवायु न्यायके पाटो

विश्व अब्बे तीव्र गतिमे परलटिरहल हिमाल, हिमबाढ, हिमपहिरो, अनियन्त्रित बाढपहिरो, खडेरी ओ समुद्री सतह बढल जैसिन वातावरणीय संकट भोगटि बा । नेपाल जैसिन देश कार्बन उत्सर्जनमे नगण्य भूमिका खेल्नेसे फेन जलवायु

परिवर्तनके सबसे भारी मूल्य चुकाइ परल बा । रसुवाके भोटकोशी हिमबाढसे नेपालहे पुगाइल अकल्पनीय जनधनके क्षति विश्वके लाग खतराके घन्टी हो । महासभासे जलवायु परिवर्तनके कारक मानल भारी औद्योगिक राष्ट्रहे उहाँहुनके ऐतिहासिक जिम्मेवारीबोध कराइ परठ । सन् २०१५ के पेरिस सम्झौता ओ विगतके जलवायु सम्मेलनके प्रतिबद्धता अक्षरशः पालना करैना महासभासे बलगर अनुगमन संयन्त्र बनाइ परठ । ‘उ प्रदूषण करठ, ओकर क्षतिपूर्ति तिरे परठ’ कना मान्यताके आधारमे स्थापित हानि तथा नोक्सानी कोषहे पूर्ण रूपमे कार्यान्वयनमे नान्के नेपाल जैसिन पर्वतीय ओ जोखिमयुक्त मुलुकहे सहज वित्तीय तथा प्राविधिक सहयोग उपलब्ध कराइ परठ । हरित उर्जाके प्रयोगमे विश्वव्यापी रूपान्तरणके लाग ठोस लगानीके खाका

जिहे महासभासे तय करे परठ ।

तिश्वव्यापी ऐक्यबद्धता

अल्पविकसित ओ विकासोन्मुख देशके आर्थिक पुनरुत्थानके लाग अन्तर्राष्ट्रिय वित्तीय संरचना जैसिन-विश्व बैंक ओ अन्तर्राष्ट्रिय मुद्रा कोषमे व्यापक सुधार करे परठ । धनी राष्ट्र अपन कुल राष्ट्रिय आयके निश्चित प्रतिशत विकास सहायताके रूपमे उपलब्ध करैना प्रतिबद्धता पूरा करे परठ । प्रविधि हस्तान्तरण ओ सहूलियतपूर्ण ऋण वा ऋण मिनाहा जैसिन कार्यक्रममार्फत आर्थिक रूपमे पाछे पारल मुलुकहे मूलधारमे नानल विश्वव्यापी ऐक्यबद्धता प्रदर्शन करे परठ । नयाँ प्रविधि एआई ओ डिजिटल प्रविधिसे मानव जीवनहे सहज टे बनैले बा मने यिहिनसे रोजगारी कटौती, साइबर अपराध, मिथ्या सूचना, जासुसी ओ जैविक हतियार निर्माण जैसिन गम्भीर सुरक्षा चुनौती फेन थपल बा । प्रविधिके विकासहे

विचार

रामप्रसाद आचार्य

रोके नैसिक मने यिहिनहे मानव हितके लाग सुरक्षित ओ समावेशी बनाइ सके । महासभासे एआईके प्रयोगहे नियमन करना एक विश्वव्यापी कानुनी रूपरेखाहे अन्तिम रूप डेहे परठ । धनी ओ गरिब देशबिचके डिजिटल खाडलहे पुर्न प्रविधिमे सबके समान पहुँच सुनिश्चित करना नीति अंगीकार करे परठ ।

यी चोके महासभा नेपालके लाग समेत अत्यन्त महत्वपूर्ण बा । नेपालसे राष्ट्रसंघीय शान्ति स्थापना कार्यमे विश्वमे अग्रणी योगदान पुगैटि आइल बा । महासभाके यी मञ्चहे नेपाल अपन राष्ट्रिय एजेन्डा स्थापित करना सुनौलो अवसरके रूपमे लेहे परठ । जलवायु न्याय ओ हिमाली एजेन्डामे अडिग हुइ परठ । नेपालके हिमाल पगलके तल्लो तटीय क्षेत्रमे परल प्रभाव ओ जैविक विविधतामे आइल हासबारे नेपालसे जोडदार आवाज उठाइ परठ । विश्वके जोखिमपूर्ण क्षेत्रमे शान्ति स्थापना करना नेपाली सेना ओ प्रहरीसे पुगैना योगदानके कदर करटि राष्ट्रसंघके उच्च कूटनीतिक ओ प्रशासनिक नेतृत्वमे नेपालके उचित प्रतिनिधित्वके लाग लबिड करे परठ । यी महासभासे राष्ट्रसंघके साथ बचैना ओ यिहिनहे सच्चे ‘सबके लाग परिणाममुखी’ बनैना संकुचित राष्ट्रिय स्वार्थसे उप्पर उठके साभ्ना मानवीय कल्याणके लाग ऐतिहासिक निर्णय करे परठ । राष्ट्रसंघके पूर्वमहासचिव कोफी अन्नान कले रहै, “हम्रे सबके भाग्य एक धागामे उनल बा । यदि हम्रे मिलके सामना करि कलेसे किल यिहिनहे सम्हाले सेबम । ओकर लाग हमारसँग संयुक्त राष्ट्रसंघ बा ।” ८१ औँ महासभासे यिहे मर्महे आत्मसात् करटि युद्धके बादहेले हटाके शान्ति, समानता ओ समृद्धिके नयाँ बिहानी नाने परल ।

खतराके घन्टी बजल

युद्ध, जलवायु परिवर्तन ओ अविश्वासके तापसे रापल विश्व राजनीति ओ खस्कल बहुपक्षीयताबिच जारी यी महासभा परम्परागत भेटवार्ताके ठाउँ किल बने नैपरल । यी संस्था विश्ववासीसे भागटिरहल विश्वव्यापी संकटके समाधान पहिल्याइना ठाउँ बने परल । महासभासे यी चो तत्काल प्राथमिकतासाथ सम्बोधन करेपरना विषय सर्वव्यापी चुनौती थपके जलवायु परिवर्तन हो । कार्बन उत्सर्जनमे नगण्य भूमिका रहल नेपाल जैसिन पर्वतीय ओ जोखिमपूर्ण मुलुकसे भोगटिरहल अनपेक्षित बाढपहिरो, हिमाल ओ हिमनदी पगलना समस्या आब राजनीतिक वक्तव्यबाजीके विषय किल नैरहल । यी मानव अस्तित्वके संकट बनल बा । यिहे सेप्टेम्बर २३ मे आयोजना हुइना विशेष जलवायु सम्मेलनमे राष्ट्रसंघसे(बाँकी ३ पेजमे)

साहित्यिक फूलारिया

गजलललललन वयानभास	गजलसंगम कुरमी
कानुनके धाराम उपधारा बाभल डेखल बाटुँ । डक्टर्वा बन्के भाँक्रि रोग्या जाँचल डेखल बाटुँ । सान हो, साइया हो, सम्भलसे नँगना डगर हो, उह फाही आरी फँ मनैन टाछल डेखल बाटुँ । महोदय, महोदय यहाँ बिश्वास कर्ना क्याकर, दलालीन उप्पर दलालीन लागल डेखल बाटुँ । भैयक चालाले डाडुक मन फाटल हो कठो टुँ, भौजिक चालाले भैयक मन फाटल डेखल बाटुँ । बातचित नै बुझ्ठ गोरुभैस उहओर्सें बाँढ पर्ठा, साँगलम यहाँ मनै जो मनैन बाँढल डेखल बाटुँ । दाड	हर जोटम ढेला फोरम माटी गलैम गोचा । अन्नबाली हरियर टिना फरगर फरैम गोचा । जैसिनफँ आए संकटके पहार पख्या उँच्चा, हाँठ गोरक बल बुटासे उहि ढलैम गोचा । नैजइम परदेस नैकरम गुलामी कौनो देशमे, अपने देशमे छोट रलेसे व्यापार चलैम गोचा । साँभ सक्कार मेहनत कैके पुगैम खैनापिना, परिवार संग बैठके घरक चुल्हा जरैम गोचा । कर्लेसे सब हुइठ कना बात मनमे ढारके हेरो, दिल दिमाकमे ओजरार डियाफेन बरैम गोचा । कैलाली
गजलबसन्त थारु	गजलडियर अवरिल
बहुट होगेल छाता ओहँट बचैहो छटरिफँ । लावा चलन नाइ पुरान डेखैहो छटरिफँ । विकासके नाउँम पहिचान हेराइटा हेरि, सजोक लगाके ढरहो ना फकैहो छटरिफँ । पोरसालिक बिनल छटरि पटया सुखागैल, आब बरखा पर्गिल हालि छवैहो छटरिफँ । हम्रे टो आधुनिक जबानाके मनै हेरो बुडु, सिखाइक लाग सिटवा सिटैहो छटरिफँ । हरचाली करट करट सिख जाइठ सीप, उहेमारे हमनफँ बिनके सिखैहो छटरिफँ । बर्दिया	मुटुम बनाइल सुन्डर महल टुहारँ नाउँक । लिखल कविता गीत गजल टुहारँ नाउँक । निसाना लगाक मर्लो या ट बिना लगैल टुँ, मर्लो काँरी हिरडाम गभल टुहारँ नाउँक । माट लाग्क टुहारँ क्वारम खेल्लक दिनसे, महा कर्क गाँठ सटकल टुहारँ नाउँक । डौनाबेबरी किउँला बेलि चम्पाचमेलीसंग, चारुवर मगमग बास महकल टुहारँ नाउँक । टुँ ओहँर मै एहँर डिन गन्क बैठल बाटुँ, टब ट याडक भरी बर्सल टुँहार नाउँक । बर्दिया

बाल संरक्षणके...

वडा अध्यक्ष शेरबहादुर महरा वडा कार्यालयसे बालबालिकाहुक्रे पाई पर्ना सेवा प्रदान करटी रहल बटैलै । उहाँ कहलै, नागरिकताके सिफारिस, जन्मदर्ता, विवाह दर्ता, मृत्यु दर्तालागत वडा कार्यालयके अधिकारके क्षेत्रमे रहल बा । ऐन कानूनहे टेक्कु सक्कु सेवा डेटी रहल बटी ।

शान्ति पुनर्स्थापना गृहके जिल्ला संयोजक कैलाशो राना सिमानाकामे उद्धार करल बालबालिकाहे नेपाल लौटाइल मने कतिपय भर अभिभावक अपनही नैस्विकार करल अवस्थामे कर्ा रहल बटैली । कार्यक्रममे हिमाल रोकाया अपाङगता रहल बालबालिका सबसे ढेर समस्यामे रहल बटैलै । उहाँ भौतिक संरचनाके बनावटके कारण सेवासे बञ्चित हुइल ओ सूचनाके पहुँचसे बञ्चितके हुइल बटैलै ।

पिसविन कैलालीके कार्यक्रम संयोजक हर्क बहादुर ओली, सुदूरपश्चिम बाल संजालके अध्यक्ष मात्रिका प्रसाद रेग्मीलागत आपन बाट राखल रहिट । कार्यक्रममे सिविन नेपालके प्रबन्धक सागर भण्डारी बाल संरक्षण सम्बन्धी बनल ऐन, प्रवाधान ओ प्रदेश, स्थानीय तह, वडा स्तरमे बनल बाल अधिकार समितिके काम कर्तव्य अधिकारबारे जानकारी डेहल रहिट । कार्यक्रमके स्वागत तथा उद्देश्यबारे सिविन नेपालके प्रबन्धक भवगती श्रेष्ठ ओ संचालन तथा सहजीकरण सिविन नेपाल कैलालीके जिल्ला संयोजक हरिलाल चौधरी करल रहिट ।

कार्यक्रममे वडा अध्यक्षहुक्रे, बालबालिकाके क्षेत्रमे काम कैना टमान संघ संस्थाके प्रतिनिधिहुकनके सहभागिता रहे ।

महासभामे...

अत्यधिक कार्बन उत्सर्जन करना विकसित मुलुकहे ओकर ऐतिहासिक जिम्मेवारीबोध करैटि ‘जलवायु न्याय’ ओ ‘क्षतिपूर्ति’ के लाग बाध्यकारी वातावरण निर्माण करे परठ । यकर साथे सन् २०३० सममे हासिल करेसेके परठ दिगो विकास लक्ष्यओरके सुस्त प्रगतिहे गति डेहे परठ । कोभिड-१९ महामारी, विश्वव्यापी आर्थिक मन्दी ओ युद्धके कारण सृजित महँगीसे अति कम विकसित देशमे गरिबी ओ असमानता और बहल बा । यी सबके लाग चिन्ताके विषय बनल बा ।

आब महासभासे बडापत्रमे समोटल अन्तर्राष्ट्रिय मुद्दामे बहुपक्षीय छलफल करना किल नैहोके, परिणाममुखी नतिजा निकारे परल । रसुवाके भोटकोशी हिमबाढके महाविपत्तिमे परल नेपाल महासभामे गम्भीरतापूर्वक जलवायु परिवर्तनके मुद्दाहे उठैना हुइल बा । यी चो नेपालके नेतृत्व प्रधानमन्त्री वालेन्द्र शाह करटै । उहाँ पूर्ण तयारीसाथ महासभामे जलवायु परिवर्तन ओ जलवायु न्यायके विषयहे गम्भीरतापूर्वक प्रस्तुत करहि । जलवायु न्याय, अल्पविकसित देशके स्तरोन्नति ओ पर्वतीय अर्थतन्त्रके मुद्दाहे जोडदार रूपमे उठाइ परठ ।

ब्रिक्स शिखर सम्मेलन

यहोर १८ औँ ब्रिक्स शिखर सम्मेलन भारतके नयाँ दिल्लीमे यिहे सेप्टेम्बर १२ ओ १३ टमान भूराजनीतिक तथा आर्थिक एजेन्डा समोटल १४० बुँदाके ‘नयाँ दिल्ली घोषणापत्र २०२६’ सर्वसम्मत रूपमे पारित करटि सम्पन्न हुइल बा । घोषणापत्रमे अन्तर्राष्ट्रिय कानुनविपरीत चल्ना ‘एकपक्षीय युद्ध’ तथा सैन्य कदमके कडा भर्त्सना करल बा । गाजामे जारी हिंसा अन्त्य करना ओ तत्काल युद्धविराम लागु करना

आहुवान करल बा । प्यालेस्टिनीके जबरजस्ती विस्थापनके विरोध करटि प्यालेस्टाइनहे राष्ट्रसंघके पूर्ण सदस्यता डेना माग करल बा । ब्रिक्स सदस्य राष्ट्र बिचके आपसी व्यापार ओ लगानीमे स्थानीय मुद्दाके प्रयोग बहैना ओ सीमापार भुक्तानी प्रणालीहे आपसमे जोड्न पहलहे तीव्रता डेना निर्णय हुइल बा । राष्ट्रसंघके नियमविपरीत अमेरिका तथा पश्चिमा देशसे टमान राष्ट्रउप्पर लगाइल एकपक्षीय आर्थिक प्रतिबन्ध ओ नाकाबन्दीके विरोध करल बा । विश्व व्यापार ओ आपूर्ति शृंखलामे असर परना मेरिक लगैना एकपक्षीय कर ओ व्यापारिक अवरोध हटाइपरना निष्कर्ष निकारल बा । सम्मेलनसे आतंकवादके सब स्वरूप ओ अभिव्यक्तिके कडा निन्दा करटि आतंकवादविरुद्ध शून्य सहनशीलता अपनैना ओ सामूहिक कारबाही करना प्रतिबद्धता जनाइल बा । राष्ट्रसंघीय सुरक्षा परिणद् ओ अन्तर्राष्ट्रिय मुद्दा कोष जैसिन संस्थाके पुनर्संरचना कैके ‘ग्लोबल साउथ’ (विकासशील देश) के आवाज ओ प्रभाव बहाइपरनामे जोड डेहल बा । सम्मेलनके सफल समापनसँगै भारतके प्रधानमन्त्री नरेन्द्र मोदी आगामी सन् २०२७ के ब्रिक्सके अध्यक्षता चीनहे हस्तान्तरण करले बटै ।

भारत, चीन, रूस, इरानलागत ११ राष्ट्र सम्मिलित ब्रिक्स समूह ग्लोबल साउथके एकीकृत आवाज हो । हुइना टे अमेरिकाके राष्ट्रपति डोनाल्ड ट्रम्प यिहिनहे अमेरिकाविरोधी संस्था कले बटै । यी चोके सम्मेलनमे भारतके प्रधानमन्त्री मोदी, चीनके राष्ट्रपति सी चिनफिङ ओ रूसके राष्ट्रपति भ्लादिमिर पुटिनबिचके संवाद ओ उहाँहुकनसे डेहल भाषण साथे जारी घोषणापत्रसे विश्वहे नयाँ सन्देश डेले बा । सम्मेलन सफलतापूर्वक सम्पन्न

करैना प्रधानमन्त्री मोदीसे निर्वाह करल सन्तुलित भूमिकासे उहाँके कूटनीतिक परिपक्वता उजागर हुइल बा । संयुक्त राष्ट्रसंघ ओ ब्रिक्स समूह जैसिन संस्थाहे सबके कल्याण करना ठाउँ बनाइ परठ । अतः विश्ववासीहे युद्ध, आतंकवाद, अन्यायपूर्ण व्यवहार, शोषण, दमन, उत्पीडन ओ विभेदमुक्त कराइ सेक्लेसे किल अइसिन संस्थाके सान ओ मान बहि ।

साभारः गोरखापत्र दैनिकसे

पेट, छाती, मुटु तथा थाईराईड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार
- छाती दुस्स्ने, पेट दुस्स्ने समस्याको उपचार
- ज्वरो आउने, टाउको दुस्स्ने तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)

घनगढी

संजिवनी अस्पताल प्रा. लि.

१ (राष्ट्र बैंक चौक, धनगढी-५) ७ सम्पर्क नं. ०९१-५९०३२८, ९७६४२१२७२७, ९७६९९३२१०५

डा. सुमन चौधरी

MBBS, MD (KU)
NMC No. 15308
कन्सल्टेन्ट फिजिसियन

साप्ताहिक बाल स्तम्भ

ज्ञानु राना, कक्षा : ३
वीपी आधारभूत विद्यालय, धनगढी

सिमरन राना, कक्षा : ८
सरस्वती मावि, धनगढी

प्रत्यूषा चौधरी, कक्षा : ५
एक्सीस विद्याश्रम, धनगढी

एलिजा चौधरी, कक्षा : २
वेष्ट सनराइज ई.बो. स्कूल, धनगढी

श्रम तथा रोजगार कार्यालयको जनहितमा जारी सन्देश

- श्रम तथा रोजगार कार्यालयको जनहितमा जारी सन्देश
- रोजगार सम्झौता गरेर मात्रै काममा लागौ र लगाऔ ।
- औपचारिक तथा अनौपचारिक क्षेत्रका सम्पूर्ण श्रमिकको न्यूनतम ज्याला रु. १९,५५०/- अनिवार्य रुपमा कायम गरौ/गराऔ ।
- समान कामको समान ज्याला लैगिक आधारमा पारिश्रमिकमा विभेद गर्नु कानूनी अपराध हो ।
- कार्य स्थलमा श्रमिकलाई सुरक्षाका उपकरणहरू उपलब्ध गराई काममा लगाऔ, लैगिक हिंसाको अन्त्य गरौ ।
- बालश्रम कानूनी रुपमा दण्डनिय अपराध हो । बालश्रम नगरौ/नगराऔ ।
- श्रम अडिट प्रत्येक वर्षको पौष मसान्तभित्र अनिवार्य रुपमा पेश गर्नु/गराउनु उद्योग/प्रतिष्ठानको कर्तव्य हो अन्यथा नियमानुसार कारवाही गरिने छ ।
- असल श्रम सम्बन्धको आधार सामाजिक सुरक्षा र रोजगार औद्योगिक दुर्घटना न्यूनीकरण गरौ व्यवसायजन्य रोग लाग्नबाट बचौ ।
- श्रम ऐन, २०६४ र नियमावली, २०७५ को पूर्णरुपमा कार्यान्वयन गरौ ।
- वैदेशिक रोजगारीमा जाँदा अनिवार्यरुपमा श्रम स्वीकृति गरेर जाऔ ।

श्रम तथा रोजगार कार्यालय
धनगढी, कैलाली

दश चालक बना सक्कु सैद्धान्तिक तथा व्यवहारिक ज्ञान देना प्रयास हमार, सफलता अपनैके ।

सीप सिकी, स्वरोजगार बनी विद्यार्थी ओ गुणमे अउईयाहुकनहे विशेष छुटसहित... हमार यहाँ दश प्रशिक्षकहुकनसे मोटर साईकल, स्कुटी, कार, जीप ग्यारेन्टीके साथ ड्राईभिङ सिखैनाके साथे फोटोग्राफीके सुविधा समेत उपलब्ध बा ।

नोटः साथे दुरसे अउईया विद्यार्थीनके लाग बैठ्ना व्यवस्था समेत उपलब्ध बा । समयमे सक्कु सिकार विद्यार्थीहुकनहे सम्पर्क कैना सहर्ष जानकारी कराइटी ।

धनगढी, चटकपुर कैलाली फोनं. ०९१-४१०२३७ मो.९८४८४३९६८५

